

Edizione diplomatico-interpretativa

	I
Amors me fet conmencier v ne chancon nouuele. quele me ueut enseigner: a amer la pl(us) bele. qui soit el mont viuant. cest la bele au cors gent cest ce le dont ie chant dex men dont tel nouuele. qui soit amon ta ent que menu et souuent: mes cuers por li sautele.	Amors me fet comencier une chançon nouuele, qu?ele me veut enseigner a amer la plus bele qui soit el mont vivant: c?est la bele au cors gent, c?est cele dont je chant. Dex m?en dont tel nouuele qui soit a mon talent! que menu et souvent mes cuers por li sautele.
	II

Bien me porroit auancier ma dou ce dame bele. sele me uouloit aidier a ceste chanconnele. ie naim nule riens tant. co(n) me li seulement et son afe tement. qui mon cuer renou uele. amours me lace et pre(n)t et fet lie et ioiant pour ce qua soi mapele.	Bien me porroit avancier ma douce dama bele, s?ele me vouloit aidier a ceste chanconnele. Je n?aim nule riens tant comme li seulement et son afetement, qui mon cuer renouuele. Amours me lace et prent et fet lié et joiant, pour ce qu?a soi m?apele.
	III
Quant fine amor me semont: mult me plect et agree que cest la riens en cest mont que iai plus desirree or la mestuet seruir. ne men puis plus tenir. et du tout o beir plus qua riens qui soit nee sele me fet languir et uois iusqau morir mame en se ra sauuee	Quant fine amor me semont, mult me plect et agree, que c?est la riens en cest mont que j?ai plus desirre. Or la m?estuet servir - ne m?en puis plus tenir - et du tout obeir plus qu?a riens qui soit nee. S?ele me fet languir et vois jusq?au morir, m?ame en sera sauuee.
	IV

Se la miudre de cest mont ne ma samor donee [.]uit li amoreus diront: ci a fort destinee. sa ce puis ia ue nir que ie sanz repentir ma ioie et mon plesir de li quai ta(n)t amee. lors diront sanz me(n)tir. quaurai tout mon desir. et ma queste acheuee.	Se la miudre de cest mont ne m?a s?amor donee, [t]uit li amoreus diront ci a fort destinee. S?a ce puis ja venir que je, sanz repentir, ma joie et mon plesir de li, qu?ai tant amee, lors diront, sanz mentir, qu?avrai tout mon desir et ma queste achevee.
	V
Cele pour qui souspir la blonde. coloree puet bien dire et iehir. que pour li sanz mentir: sest a mours mult hastee.	Cele pour qui souspir, la blonde coloree, puet bien dire et jehir que pour li, sanz mentir, s?est Amours mult hastee.

- letto 266 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatico-interpretativa-2098>